

9 ТАМЫЗ,
2025 ЖЫЛ,
СЕНБІ
№86 (23 555)



ORTALYQ QAZAQSTAN



ОНЛАЙН ЖАЗЫЛУ

1931 жылдың
4 қазанынан бастап шығады

Қ А Р А Ғ А Н Д Ы О Б Л Ы С Т Ы Қ Қ О Ғ А М Д Ы Қ - С А Я С И Г А З Е Т

www.ortalyq.kz

www.instagram.com/ortalyq.kz/

www.facebook.com/ortalyq.kz/

info@ortalyq.kz

Қысқа қамданыс –
қазірден



Ұлы ақын және
Шаншар елі



180 домбыра
күмбірлеп...



• 10 ТАМЫЗ – АБАЙ КҮНІ

Абай аманаты адастырмайды

Қазақ руханиятының темірқа-
зығына айналған хақим Абай –
ұлттың танымын биікке көтеріп,
жана арнаға бұрған рухани көшбас-
шы. Әр өлені, нақылы ғылым мен
білімге, кемелдікке, толық адам бо-
луға бастайтын ұлттық бағдарлама
іспетті. Бүгінгі Қазақстан осы ама-
натпен үндестік тауып, алға басып
келеді. Абай күні – ұлттың мәдени
коды мен болмысындағы маңызды
меже. Абайдың шығармасы – ұлт-
тың ішкі әлеуетін оятуға арналған
рухани манифест.

Жәлел ШАЛҚАР,
«Ortalyq Qazaqstan»

«Ғылым – Алланың бір сипаты»

10 тамыз – елімізде Абай күні ретінде
2020 жылдан бастап ресми түрде аталып
өтіледі. Бұл күн – ұлттық рухты, ойлау
жүйесін, мәдени қолты еске алып, өзіміз-
ге, қоғамымызға, келешегімізге үңілу күні.
Қазақтың бірегейлігі, ұлт ретінде ір-
гесін бекіту – Абай шығармашылығының
өзегі. Ол қуатты қаламы, озық ойы арқылы
ұлттық сана мен мәдениет үшін күресті.
Абайдың «Толық адам» концепциясы
– рухани, кәсіби, моральдық кемелдікке
шақыру. Мемлекет басшысы Қасым-Жо-
март Тоқаев өзінің «Абай және ХХІ
ғасырдағы Қазақстан» атты мақаласында



Коллаж жасаған Шығар Алмасаева



бұл туралы айрықша атап өткен болатын.
«Абайдың шығармаларына зер сал-
сақ, оның үнемі елдің алға жылжуына,
өсіп-өркендеуіне шын ниетімен тілеулес
болғанын, осы идеяны барынша дәріпте-
генін байқаймыз. Ал, ілгерілеудің негізі
білім мен ғылымда екенін анық білеміз.
Абай қазақтың дамылсыз оқып-үйрен-
генін бар жан-тәнімен қалады. «Ғылым
таппай мақтанба» деп, білімді игермейін-
ше, биіктердің бағына қоймайтынын айт-
ты. Ол «Біз ғылымды сатып, мал іздемек
емеспіз», – деп тұжырымдап, керісінше,
ел дәулетті болуы үшін ғылымды игеру
керектігіне назар аударды. Ұлы Абайдың
«Пайда ойлама, ар ойла, Талап қыл ар-
тық білуге» деген өнегелі өсиетін де осы
тұрғыдан ұғынуымыз кажет. Бұл тұжы-
рымдар қазір де аса өзекті. Тіпті бұрынғы-
дан да зор маңызға ие болып отыр. Себебі,
ХХІ ғасырдағы ғылымның мақсаты биік-
ке ұмтылу, алысқа құлаш сермеу екенін
көріп отырмыз» деген еді.

► 4-бет

• РЕСМИ

Онлайн қызмет жеңілдеді

2025 жыл басталғалы
әлеуметтік қызметтер порта-
лы арқылы мүмкіндігі шек-
теулі азаматтардан 359,1 мың
тапсырыс түскен. Бұл – онал-
тудың техникалық құрал-
дарын, ым тілі маманының,
жеке көмекшінің қызметтерін,
сондай-ақ, санаторий-курорт-
тық емдеуді қамтиды. Бұл
туралы Еңбек және халықты
әлеуметтік қорғау министрлі-
гі мәлімдеді.

Гүлнұр СЕРІКЖАНҚЫЗЫ,
«Ortalyq Qazaqstan»

Портал мүгедектігі бар адам-
дарға оналту құралдары мен қы-
зметтерін ұсынатын өндірушіні
немесе жеткізушіні өздігінен
таңдауға мүмкіндік береді. Қыз-
метті алу үшін электрондық цифр-
лық қолтаңба арқылы (ЭЦҚ) он-
лайн тапсырыс беру жеткілікті.
Тапсырысты жеткізу қызметімен
алуға немесе өз бетімен алып ке-
туге болады.
Мүмкіндігі шектеулі азамат-
тар, яғни, протезді-ортопедиялық,
сурдотехникалық, тифлотехника-
лық және гигиеналық жабдықтар,
қоларбалар (кресло-арбалар) се-
кілді оналту құралдарын тапсы-
рыспен ала алады.
Порталдың жұмысына қатыс-
ты кеңес алу үшін 1414 нөмірі
бойынша бірыңғай байланыс ор-
талығына хабарласу кажет.

• ЕРТЕҢ – ҚҰРЫЛЫСШЫ КҮНІ

Ілгерілеу іргетастан басталады

Быттыр Үкіметтің кеңейтілген отырысында Президент Қа-
сым-Жомарт Тоқаев құрылыс сапасына бақылауды күшейту ка-
жет екенін атап көрсеткен болатын. «Азаматтардың қауіпсіздігін
қамтамасыз ету – ең басты міндет. Құрылыс сапасына жасалатын
бақылауды міндетті түрде күшейту керек. Бұл – анық дүние», – де-
ген Мемлекет басшысы сараптама жүргізу ісін мемлекеттің иелігіне
қайтару мәселесі күн тәртібінде тұрғанын да айтқан еді. Сонымен
қатар, Үкіметтен нарықтағы шынайы бәсекені сақтай отырып,
барлық тараптың мүддесін ескеруді талап етті.

Ерканат КЕҢЕСБЕКҮЛЫ,
«Ortalyq Qazaqstan»

Баспанаға бастар жол

Тамыздың екінші жексенбісін-
де еліміз құрылысшылар қауымы-
ның кәсіби мерекесін атап өтеді.
Осы айтулы күн қарсаңында Мем-
лекет басшысының жоғарыдағы
сөздері құрылыс саласының стра-
тегиялық мәні мен жауапкершілігі
зор миссиясын тағы бір мәрте ай-
қиндай түскендей. Сол себепті де,
біз де ел экономикасының іргета-
сы саналатын санқырлы саланың
бүгінгі даму қарқынына үңіліп,
оның жетістіктері мен өзекті мәсе-
лелеріне зер салуды жөн көрдік.
Ә деген бетте тұрғын үй құ-
рылысына жеке инвестиция
тарту – құрылыс саласындағы
мемлекеттік саясаттың стратегия-
лық бағыты екенін ескергеніміз
ләзім болар. Мемлекет тарабы да
тұрғын үй заңнамасында белгілен-
ген санаттарға жататын азаматтар-
дың тұрғын үйге қолжетімділі-
гін арттыру мақсатында кешенді
шаралар қабылдауда. Осы ретте
жеке капиталдың құрылыс сек-
торына белсенді араласуы, на-
рықтық тетіктер мен мемлекеттік
қолдаудың үйлесімділігі құрылыс
индустриясының тұрақты да-

муын қамтамасыз етпек. Дәйектеп
көрейік.

Облыс аумағында тұрғын үй
құрылысы қарқынды даму жо-
лында. Быттырғы жылы 540 мың
шаршы метр тұрғын үй пайдала-
нуға берілді. Қолданысқа берілген
тұрғын үй көлемінің 6%-ын мем-
лекеттік тұрғын үй қоры құрады.
Ал, биылға арналған жоспарға
сәйкес, өңірде жалпы ауданы 548,0
мың шаршы метр немесе шамамен
5 172 пәтерді құрайтын тұрғын үй
пайдалануға беріледі деп күтілу-
де. Аталған көлемнің 83%-ы жеке
инвестициялар есебінен жүзеге
асырылады. Бірінші жартыжыл-
дығының қорытындысы бойынша
236,1 мың шаршы метр тұрғын
үй немесе 2 154 пәтер өз иесін
тапқан. Мемлекеттік қолдау мен
жеке инвестициялардың үйлесімі
тұрғын үй нарығын дамытудың
тиімді құралына айналып отыр.

Кезек күттірмейтін мәселе

Баспана демекші, кезегін кү-
тіп жүрген азаматтардың тұр-
ғын үйге қолжетімділігін жедел
қамтамасыз ету мақсатында жер-
гілікті атқарушы органдар үшін
біркатар заңнамалық тетіктер



көзделген. Атап айтқанда, мем-
лекеттік бағалы қағаздар арқылы
алынған қаражат есебінен дайы-
ын бастапқы тұрғын үйді, сон-
дай-ақ, «Қазақстандық тұрғын үй
компаниясы» акционерлік қоға-
мының кепілдігімен қамтамасыз
етілген үлестік құрылыс нысан-
дарындағы пәтерлерді сатып алу
құқығы заң жүзінде бекітілген.
Жылдық жоспарға сәйкес, әлеу-
меттік жағынан осал санаттағы
кезекте тұрған азаматтар үшін

8,3 млрд теңге қаражат қарасты-
рылып отыр. Қомақты сома жалға
берілетін 528 пәтерді сатып алуға
сарп етіледі. Сонымен қатар, ке-
зекте тұрған азаматтарға арналған
567 несиелік пәтерді сатып алу
үшін қосымша 4,9 млрд теңге
бөлінеді. Қолдаудың атаулы шара-
лары халықтың әлжуаз топтарын
баспанамен қамтамасыз етуде аса
маңызды. Мемлекеттік және жеке
сектор арасындағы ынтымақтас-
тық, сондай-ақ, қаржыландыру

көздерінің әртараптандырылуы
тұрғын үй нарығындағы әлеумет-
тік теңгерімді қамтамасыз етуге
септігін тигізеді.
Осылайша, үйге мұқтаж аза-
маттарды тұрғын үймен қамтама-
сыз ету мақсатында жалпы 1 103
пәтер сатып алу жоспарлануда.
Оның ішінде, 787 пәтер – жалға
берілетін тұрғын үй, ал, 567 пә-
тер – кредиттік тұрғын үй ретінде
ұсынылады.

► 3-бет

ВАЛЮТАЛАРДЫҢ РЕСМИ БАҒАМДАРЫ:

• EUR/KZT 629.46

• USD/KZT 539.38

• RUB/KZT 6.76

• CNY/KZT 75.14

Қазақстан Ұлттық Банкінің
8 тамыз, 2025 жылғы дерегі бойынша

Қысқа камданыс – қазірден

Аймақтың алдағы жылы-ту маусымына дайындығы жүйелі жүргізілуде. Облыс әкімі Ермағанбет Бөлекпав-евтың төрағалығымен өткен кеңесте әлеуметтік нысан-дарды жылумен қамту мәсе-лесі және инфрақұрылым объектілерінің дайындығы жан-жақты талқыланды. Жиынға Бұқар жырау, Қарқаралы, Нұра және Шет аудандарының әкімдері, сон-дай-ақ, жауапты басқарма-лар мен коммуналдық қыз-мет басшылары қатысты.

Гүлнұр СЕРІКЖАНҚЫЗЫ,
«Ortalyq Qazaqstan»

Бұқар жырау ауданы әкімді-гінің мәліметінше, орталықтанды-рылған жылу жүйесіне қосылған тұрғын үй қорының дайындығы 60 пайызды құрайды. Оқу жылы басталғанға дейін білім беру, денсаулық сақтау және мәдени-ет мекемелерін көмірмен толық қамтамасыз ету жоспарланған. Қазіргі таңда аудан аумағындағы қазандықтар мен жылу желілерін-де жоспарлы жөндеу жұмыстары жалғасып жатыр.

– Қушоқы кентінде №4 орталық қазандықты, көмір жеткізу және құл шығару конвейерлерін жөндеу жұмыстары жүргізілуде. Сонымен қатар кварталдық жылу желілері жаңартылып жатыр. Жеті модульдік қазандықта жабдықтар жаңартылып, қуаттылық артты-рылуда. Бұдан бөлек, білім беру нысандарына арнап, төрт жаңа



ҚАРАҒАНДЫ ОБЛЫСЫНЫҢ ӘКІМДІГІ

блок-модульді қазандық салынбақ, – деді аудан әкімі Ерлан Құсайын.

Қарқаралы ауданындағы жылу магистралінің 90 пайызы жанар-тылды. №1 қазандыққа қосым-ша қуаты 1,2 МВт болатын қазан агрегаты орнатылды. Барлық қа-зандықтарда жөндеу жұмыстары жалғасуда. Сонымен қатар су және кәріз жүйелері кезең-кезеңімен жаңартылып жатыр. Бүркітті ауылындағы Мәдениет үйіне күр-делі жөндеу жүргізілгенде жылыту жүйесі де қайта жаңғыртылады.

Қазіргі уақытта аудан халқы мен әлеуметтік сала нысандарына көмір қоры жинақталып жатыр.

Шет ауданында 28 КТП, трансформаторлар, сымдар, ажы-ратқыштар және басқа да қажетті жабдықтар сатып алынды.

– Энергетика басқармасының мониторингінә сәйкес, аудан ау-

мағындағы жылу және сумен жаб-дықтау нысандарының дайындығы 60 пайыздан асты. Электр желілері мен қосалқы стансалардың дайын-дығы – 70 пайыз. Әлеуметтік-мә-дени нысандарға келсек, спорт мекемелері қысқы маусымға толық дайын, ал, қалғанының қыс маусы-мына әзірлігі шамамен 70 пайыз деңгейінде, – деп атап өтті Шет ауданының әкімі Мұхит Мұхтаров.

Нұра ауданындағы әлеумет-тік нысандар үшін көмір қоры-ның негізгі бөлігі дайын. Шұ-баркөл кентінде орналасқан орталық қазандық жұмысы 100 пайыз аяқталған. Сонымен қатар Кертінді және Мыңбаев ауылда-рындағы Мәдениет үйлеріне жаңа блок-модульді қазандықтар орна-тылған. Білім беру мекемелерінде-гі жылу жүйелерін жөндеу жұмы-стары жалғасуда. Су құбырларын

жөндеу аяқталуға жақын, кәріз желілерін қайта жаңғырту жүр-гізіліп жатыр.

Өңір басшысы жауапты тұлға-ларға дайындық жұмыстарын белгіленген мерзімге дейін толық аяқтауды және дайындық барысын жіті бақылауды тапсырды.

– Барлық нысандар 15-ші қыр-қүйекке дейін толық дайын болуы тиіс. Әр кезеңдегі жұмыс барысы тұрақты бақылауда болуы қажет. Әсіресе, кестеден кешігіу қаупі бар учаскелерге ерекше назар ауда-рылсын, – деді облыс әкімі.

Сонымен қатар аудан әкімдері-не жөндеу жұмыстарының қарқы-нын төмендетпеу және бекітілген кестенің орындалуын қатаң бақы-лауда ұстау жүктелді.

Сурет облыс әкімі



рын бойына сіңіріп келеді.

Белағаш ауылы аудан орта-лығынан 50 шақырым қашықта орналасқан. Ерболат ашқан ше-берхана – тек ауылдағы емес, бүкіл округтегі алғашқы шино-монтаж. Кәсіпкердің айтуынша, ауыл тұрғындары үшін бұл өте қолайлы. Бүгінде оның қызметі-не көрші ауылдардың тұрғындары-нан да сұраныс артып келеді.

– Бұрын қарапайым қызметтің өзін аудан орталығынан іздеуге мәжбүр болатынбыз. Қазір жұрт осы жерден-ақ көлігін жөндеп, дөңгелегін ауыстырып кетіп жа-тыр. Әсіресе, көктем мен күзде жұмыс қызады. Қол қусырып отыруға болмайды, тәжірибенің аздығына қарамай, әрекет ете беру керек. Қалғаны – уақыттың еншісінде, – дейді Ерболат Мол-дабеков.

Белағаш ауылдық округінің әкімі Амангелді Күпеновтің ай-туынша, Ерболаттың жобасы – ауылда «Ауыл аманаты» бағдар-ламасы аясында жүзеге асқан үш жобаның бірі.

– Жалпы алғанда, ауыл тұрғындарынан жеті өтінім қа-былданды. Оның ішінде екеуі – мал шаруашылығына бағытталған жобалар. Біз белсенді азаматтар-ды әрдайым қолдауға дайынбыз. Мұндай бастамалар ауылда да та-бысты кәсіп бастауға болатынын көрсетіп отыр, – дейді әкім.

Сурет облыс әкімінің сайтынан

• ЖАСТАР САЯСАТЫ

Кадр резервінің әлеуеті зор

Мемлекет басшысы Қасым-Жомарт Тоқаев 2019 жылы Президенттік жастар кадр резервін жасақтау қажеттігі тура-лы бастама көтеріп, бұл тапсырманы Мемлекеттік қызмет істері агенттігіне жүктеді. Содан бері агенттік аталған жоба-ны табысты жүзеге асырып келеді. Бүгінде резервке 400 адам қабылданып, табысты еңбек етіп жүр. Қазіргі таңда Прези-денттік жастар кадр резервіне іріктеу жүріп жатыр. Қараған-ды облысы бойынша іріктеудің II кезеңіне 311 адам өтті.

Бұл бастама жастарды мем-лекеттік басқару жүйесіне бел-сенді түрде тартуға, олардың мемлекеттік қызметтегі үлесін арттыруға мүмкіндік береді.

Жалпы, мемлекеттік қызмет қол жетпейтін салаға айналма-уы тиіс. Ел басқару ісіне озық ойлы, бастамашыл мамандар келуі қажет. Президенттің көз-дегені – осы.

Осы уақытқа дейін үш рет іріктеу өткізілді. Атап айтқан-да, 2019, 2021 және 2023 жыл-дардағы іріктеулерге 60 мыңнан астам азамат қызығушылық

жастар кадр резервіне іріктеу-дің I кезеңіне 862 азамат құжат тапсырып, оның 311-і іріктеудің II кезеңіне өтті.

Сонымен қатар, Резервке кандидаттар іріктелетін алты са-лалық бағыт бойынша («Әлеу-меттік саясат, азаматтық қоғам», «Инфрақұрылымды, өнеркәсіпті дамыту және сауда саясаты», «Экономикалық және қаржылық саясат», «Цифрландыру», «Аг-роөнеркәсіптік кешен және қор-шаған ортаны қорғау», «Сыртқы саясат және инвестициялар») қарастырылатын болады.



Сурет шішкә дерекөзінен

танытты, олардың нәтижелері бойынша резервке 400 адам қабылданды (2019 жылы – 300 адам, 2021 жылы – 50 адам, 2023 жылы – 50 адам).

Резервке алынған 400 адам-ның 318-і мемлекеттік органдар мен өзге де ұйымдарда жұмыс істеуде, яғни жалпы санының 80%-ы жұмысқа орналасты.

Биыл I маусымнан бастап Президенттік жастар кадр ре-зервіне кезекті төртінші іріктеу өткізілуде. Бұл 25 қазанға дейін жалғасады.

Кандидаттарға қойылатын жалпы талаптар өзгерген жоқ. Яғни, кандидаттардың жасы 35-тен аспауы, жоғары білімінің, бес жылдан кем емес еңбек өтілінің болуы және қазақ тілін меңгеруі B1 деңгейінен төмен болмауы керек.

Іріктеу Президент Жар-лығымен бекітілген ережелерге сәйкес 6 кезеңнен тұрады:

I кезең – құжаттарды қа-былдау және кандидаттарды тексеру, II кезең – мәтіндік және сандық ақпаратпен жұмыс істеу қабілетін бағалау, III кезең – ситуациялық тапсырмалар-ды шешу, IV кезең – құзырет-терді бағалау және құзыреттер бойынша сұхбат, V кезең – са-рапшылық комиссияда әңгіме-лесу, VI кезең – ұлттық комис-сия отырысы.

Қазіргі таңда Қарағанды облысы бойынша Президенттік

Биылғы төртінші іріктеудің ерекшелігі де осы – әр бағыт бойынша кандидаттардың бір-келкі санын қамтамасыз ету мақсатында әрбір кезеңде про-порционалды іріктеу өткізіл-мек. Яғни резервтің салалық бағыттары бойынша квоталар қарастырылып, іріктеу жүр-гізіледі.

Іріктеуге Президент тағай-ындаған адамдар, саяси қызмет-шілер, «А» корпусының мемле-кеттік әкімшілік қызметшілері жіберілмейді.

Президенттік жастар кадр резервін жас мамандардың өз-дерін жан-жақты көрсетуіне, білімі мен әлеуетін пайдаланып, мемлекеттік қызмет пен квази-мемлекеттік секторда жауапты лауазымдарға көтерілуіне жол ашатын әлеуметтік лифт деуге болады. Жоба – заманауи әрі бо-лашағы зор, еліміздің кадр сая-сатына серпін беретін ауқымды бастама.

Сондықтан, еліміздің да-муына үлес қоса алатын білімді, білікті, белсенді жастарға мем-лекеттік қызметтің есігі әрдай-ым ашық.

Ж.СӘРПЕН,
Қазақстан Республикасы
Мемлекеттік қызмет істері
агенттігінің Қарағанды
облысы бойынша
департаментінің басшысы,
Әдеп кеңесінің төрағасы

Гүлнұр СЕРІКЖАНҚЫЗЫ,
«Ortalyq Qazaqstan»

«Ауыл аманаты» – ауылдық жерлерде халықты жұмыспен қамтып, табысын арттыруға және шағын бизнесті дамытуға бағыт-талған мемлекеттік бағдарлама. Ерболат осы мүмкіндікті тиімді пайдаланып, жаңа салада кәсібін бастады.

– Жас кезімде қаладағы ши-номонтажда жұмыс істеп, аз-мәз тәжірибе жинадым. Өз кәсібімді ашқым келетін, бірақ қаражат жағынан мүмкіндік болмады. Бағдарлама жайлы білгеннен кей-ін, құжаттарды дайындап, өтінім бердім. Барлық рәсімдер тез әрі оңай өтті. Ауыл әкімдігі мен ма-мандардың көмегі көп тиді. Құжат жинаудан бастап, қалай рәсімдеу керегін түсіндіріп отырды. Ең ба-стысы – жоспарың айқын, ниетің дұрыс болу керек, – дейді кәсіп-кер.

Ерболат Молдабеков 2,8 мил-лион теңге көлемінде жеңілдетіл-ген несие алып, қажет құрал-жаб-дықтарды сатып алды. Несие 5 жыл мерзімге, жылдық 2,5% мөл-шерлемесмен берілген. Төлем тоқ-сан сайын жүргізіледі.

Бұл қаражатқа шеберхана үшін көтергіш, компрессор, дом-крат, дөңгелек бөлшектеу және ба-лансировка станоктары, қосалқы бөлшектер сатып алынған.

Қазір ол өз ауласындағы га-ражын шеберханаға айналдырған.



Мұнда шиналарды маусымдық ауыстыру, май құю, жүріс бөлі-гіне техникалық қызмет көрсету, дөңгелектерді шешіп-қондыру және балансировка жасау сынды қызметтердің толық кешені көр-сетіледі.

Болашақта кәсіпкер кәсібін кеңейтуді көздейді. Алдымен не-сисесін мерзімінен бұрын өтеп, жаңа несиеге жеке шеберхана

салу жоспарында бар. Дәнеркерлеу және сырлау құралдарын алып, қозғалтқыш пен беріліс қорапта-рын жөндеу, сырлау жұмыстарын да қолға алмақ.

Бүгінде Ерболат шеберхана-да жалғыз жұмыс істейді, алайда, екі ұлы әрдайым көмекке келеді. Олардың біреуі 8-де, енді біреуі 10 жаста. Олар әкесінің жанында жүріп, алғашқы еңбек дағдыла-

• ТАЛАПКЕР – 2025

Грант иегерлері анықталды

2025-2026 оқу жылына арналған жоғары оқу орындарына білім беру гранттарының нәтижелері белгілі болды. Ғылым және жоғары білім министрлігінің мәліметінше, биыл бакалавриат бойынша жалпы 77 мыңнан астам мемлекеттік грант бөлінді.

Жамал АҚПАРОВА,
«Ortalyq Qazaqstan»

Гранттардың басым бөлі-гі техникалық мамандықтарға бағытталған. Бұл көрсеткіштер елде техникалық бағыттағы кадрларға деген сұраныстың артқанын айғақтайды. Министр-лік мәліметіне сәйкес гранттар-дың 60%-ы техникалық, 20%-ы педагогикалық, ал, қалған 20%-ы өзге салаларға бөлінген. Сонымен қатар, «Білім тура-

лы» Заңына сәйкес, квоталық категориялар да ескерілді. Атап айтқанда, жетім балалар және мүгедектігі бар балалар, көп-балалы және толық емес отба-сынан шыққан балалар, мүгедек балаларды тәрбиелеп отырған отбасылардан шыққан талапкер-лер квота арқылы грант алу мүм-кіндігіне ие болды.

Мемлекеттік білім беру гранттарын тағайындау конкур-сына қатысуға мүмкіндік бе-ретін негізгі ҰБТ 16 мамыр мен

10 шілде аралығында өтті. Осы уақыт аралығында талапкерлер ҰБТ-ны екі рет тапсырып, ең жоғары нәтижесімен грант кон-курсына қатысты.

381 мыңнан астам тестілеу тапсырылып, жалпы 399 мың өтініш тіркелді. Оның ішінде, 76%-ы шекті балды жинады. Бұл – талапкерлердің басым бөлігінің жоғары білім алуға ынтасы мен дайындығының жақсы деңгейде екенін көрсетті. Биылғы ҰБТ-да екі талапкер ең жоғары – 140 балл жинап, ел на-зарын аударды. Түркістан облы-сының түлегі Жәнібек Әбілхан ең алғашқы 140 балл жинаған талапкер атанса, екінші үздік

нәтиже – Алматы қаласындағы 125 High School түлегі Айша Са-тыбалдыға тиесілі. Ол жоғары нәтижесі үшін өзі оқыған мек-теп тарапынан пәтермен мара-патталды.

«Серпін» бағдарламасына сұраныс жоғары болды. Халық тығыз қоныстанған өңірлердің жастары үшін бөлінген 2000-нан астам грант аясында олар елдің солтүстік, орталық және шығыс өңірлеріндегі жоғары оқу орын-дарында білім алатын болады. Сонымен қатар, «AMANAT» пар-тиясының сайлауалды бағдарла-масы аясында биыл 77 мыңнан астам грант бөлініп, бұл баста-ма шетелдік жетекші универси-

теттермен бірлескен 20-ға жуық ЖОО-ның ашылуымен жалға-сын тапты. Биыл гранттарға 113 мыңға жуық өтініш түсті, бұл өткен жылмен салыстырғанда 9 мыңға көп. Халықаралық олим-пиада мен спорт жарыстарының жеңімпаздарына конкурссыз гранттар қарастырылған.

Биыл сондай-ақ, Мемлекет басшысының тапсырмасымен 5 жастағы балаға есепшот ашу кезінде бастапқы білім беру ка-питалы төленетін жүйе іске ко-сылды. Бұл жүйе мемлекеттік сыйақы, банктер мен сактанды-ру компанияларының қосымша сыйақысымен толықтырылады. Сондай-ақ, жинақтар «Ұлттық

қор – балаларға» жобасымен біріктіріледі. Алғаш рет 2024 жылы енгізілген бұл грант түрі оқу шығындарының бір бөлі-гін ғана жабады, қалған сома-ны талапкер өз есебінен неме-се жеңілдетілген оқу несиеі арқылы төлейді. Биыл бұл бағыт бойынша 300 грант бөлініп, кон-курс қыркүйек айында өтпек. Мерзімді әскери қызметін өтеп жатқан азаматтарға 2010 грант бөлінді. Бұл – оларды әлеумет-тік бейімдеуге және жоғары білімге қолжетімділікке бағыт-талған бастама.

Құжаттарды жоғары оқу орындарына тапсыру мерзімі – 25 тамызға дейін.

• САЛТАНАТ

Жасампаз жандарға құрмет

Құрылысшылар күні қарсаңында Теміртау қаласындағы Тұңғыш Президенттің тарихи-мәдени орталығында осынау жасампаз кәсіп иелеріне құрмет көрсетіліп, марапаттар тапсырылды.



Ержан ИМАШ, «Ortalyq Qazaqstan»

Мерекелік салтанатты құттықтау сөзбен ашқан Теміртау қаласының әкімі Ғалым Әшімов: – Біздің құрылысшылар мекенінде қаншама тұрғын үйлер мен мәдени-тұрмыстық, өндірістік нысандардың бой көтеріп, қаланың инфрақұрымы жақсарып, күннен-күнге құлпыра түсуінде сіздердің айшықты қолтаңбаларыңыз бар. Әр нысанның іргетасын қалағаннан бастап, оның шатырын жапқанша жұмсайтын күш-жігерлеріңіз мол, – деп, теміртаулық құрылысшылардың үлкен тобының еңбегін Құрмет грамоталарымен және Алғыс хаттармен, төсбелгілермен атап өтті.

Бұл күні ілтіпатқа ие болып, қошеметке бөленгендердің арасында «Теміртау Казмеханомонтаж», «Qarmet Service», «Центрпромстрой», «Земдорстрой», «Темирстрой», «Имсталькон-Теміртау» ЖШС, тағы да бірқатар құрылыс ұйымдарының өкілдері мен Теміртау қалалық құрылыс бөлімінің қызметкерлері бар. Мәселен, Николай Криворучко бірінші дәрежелі «Еңбек даңқы» Құрмет белгісін, ал Елена Орлова мен Алексей Кен, Роза Аймолдинова оның екінші дәрежесін алды. Теміртау қаласы әкімінің Құрмет грамотасы Сергей Кушнarenко, Константин Московский, Владимир Жукoв, Михаил Бойко, Игорь Габеев, Азамат Досмагамбетов, Әсет Баймаханов, Виталий Мишаринге беріліп, Алғыс хаттарға Иван Свиридов, Висхан Заурбеков, Максим Хох-

лов, Марғұлан Жуанышбеков, Мәжит Жүнісов, Игорь Валько, Асқар Ахметов, Саварбек Ғаздиев, Иван Рылкин, Марина Тимофеева, Диана Баинбаева, Нұркен Әбілдинов, Әлия Турина, Ақжол Бурханов, Марина Синицына, Светлана Саттарова мен Екатерина Смирнова ие болды.

Салтанат үстінде осы 5 тамызда қаланың оң жағалауында болған алапат өртті сөндіру кезінде жанқиярлық ерлік көрсетіп, кісі өліміне жол бермеген шымкенттік «Карат-Z» ЖШС Асылхан Балаби, Құдайберген Түркүсбаев, Нұрсейіт Дүтбаев, Жұмағали Жүнісов, Мұқағали Пернебай, Сапарғали Әбдікәрімов, ағайынды Сүндет, Нұрбол, Ербол Дүйсебаевтар, Ерғазы Нақыпбаев, Досымжан Үсенбаев сияқты 11 қызметкеріне де Алғыс хаттар табыс етілді.

Бұдан кейін сөз алған «Qarmet» АҚ бас директоры Вадим Басин мен Теміртау қалалық кәсіподақтары ұйымының төрағасы Наталия Попова құрылысшылар қауымын кәсіби мерекелерімен құттықтап, бірқатар сала қызметкеріне Құрмет грамоталарын табыс етті.

Теміртауда өткен Құрылысшылар мерекесінде жергілікті «Гюэль» би және «Берегиня» халық ән ансамбльдері, әншілер Мағауия Қуатбаев, Қарлығаш Исаева, Ардабек Октябрь және басқа да өнерпаздар ән айтып, би билеп, салтанатты кештің шымылдығын жапты.

ТЕМІРТАУ

Сурет ұйымдастырушылардан

• БІЗДІҢ СҰХБАТ

«Қарағандының қарышты қадамы – құрылысшының қолында!»

Ол – әр істі соңына дейін жеткізуді өмірлік ұстанымына айналдырған жан. «Қай істі қолға алсам да, оны кемеліне жеткізбей тынбаймын» деген сөзі – құрылысшы, «Аспап» құрылыс компаниясының басшысы Төлеген Әшімовтің бүкіл еңбек жолының айнасы іспеттес. Құрылыс саласындағы ең алғашқы еңбек күндеріндегі әсер, қиын сәттерде рухын көтерген құндылықтар мен бүгінде жастарға айтар кеңесі – барлығы да сұхбат барысында шынайы әрі терең әңгімеленеді. Қымбатты оқырман, құрылысшы қауымының кәсіби мерекесі қарсаңында осы бір сырлы сұхбатты оқи отырып, сіз де табандылықтың, адал еңбектің және ішкі тәртіптің қандай биікке жеткізетінін тереңірек біле түсесіз деген игі ниеттеміз. Оқыңыз, ой түйіңіз, шабыт алыңыз! Мархаббат!

– Қадірменді Төлеген Мұқатайұлы, алғашқы еңбек күндеріңізді есіңізге алғанда, сізге ең көп күш пен сенім берген не нәрсе еді? Қиын сәттерде алға жетелеген басты құндылықтарыңыз қандай болды?

– Сауалыңызға рақмет! Мен қарапайым, бірақ еңбекті арманға айналдыра білген отбасында дүниеге келдім. Еңбек жолым 1975 жылы басталды. Тағдырмының ең қызықты парактарының бірі – екінші санатты бетоншыдан бастап, ірі құрылыс компаниясының басшылық деңгейіне дейін сатылап көтерілуім деп білемін. Бұл – тек кәсіби өсудің ғана емес, адами кемелденудің де жолы алсам да, оны саналы жан өз-өзіне бір сәт есеп беріп, істеген ісіне сын көзбен қарауы керек деп есептеймін. Сол әдет менің өмірлік серігіме айналды. Қай істі қолға алсам да, оны толықтай кемеліне жеткізу – мен үшін тек ұстаным емес, ішкі жауапкершілік. Осы қағиданы берік ұстана отырып, талай асуларды бағындыруға мейлінше мүмкіндік алдым.

– Еңбек жолыңызда жүздеген нысан салып, мыңдаған адамның игілігіне қызмет етіпсіз...

– Токсаныншы жылдары Қазақстан егемендігін алған шақта, өзімнің құрылыс саласындағы әріптестеріммен бірге «Аспап» атты құрылыс кооперативін ұйымдастырдық. Қарап отырсаңыз, 34 жыл бойы осы ұйымды табысты басқарып келемін. Сан алуан нысан салдық. Сегіз мектеп тұрғыздық. Қырдағы жұртқа он бес шақты денсаулық мекемесінің бойын түзедік. Мен тек есімдегіні ғана есепке алып отырмын. Әйтпесе, салынған дүние көп. Арыстағы жағдай есіңізде болар. Сонда алпыс үй салып бердік. Бажайлап отырсақ, тұтас республиканы құрылыспен қамтып үлгергендейміз. Сонымен, биыл құрылыс саласында еселі еңбек еткеніме елу жыл толады. Таубе! Бүгін-

де құрылысшылар қоғамының төрағасымын. Әлі күнге дейін табысты жобаларға жетекшілік етіп келеміз. Халық қалаулысы ретінде де осы салаға баса мән береміз.

– Қаланың болашағына қатысты сөз еткенімізде сіздің осындай ауқымды көзқарасыңызды қажет ететіндей. Жоталы жобалар жүзеге асқан кезде, қаламыз қандай сипатқа ие болады деп елестетесіз? Қарағандының келешегін сіз қандай рух-та, қандай кейіпте көресіз?

– Қазіргі уақытта қаланың бас жоспарын жан-жақты саралап, терең талқылап жатырмыз. Алдымызда тұрған маңызды межелердің бірі – «Көгілдір тоғандар» арқылы Оңтүстік-Шығыс пен Майқұдықты біртұтас аумақ ретінде байланыстыру. Қарап отырсақ, қарапайым инфрақұрылым емес, тұтас қаланың болашағына бағытталған стратегиялық қадам бұл. Аталған аймақта стадионнан бастап, күн электр стансасына дейінгі ауқымды, заманауи нысандар бой көтереді деп жоспарланып отыр. Қала өсіп, жанару керек. Уақыт талабы – осы. Жыл сайын кемінде 500 мың шаршы метр тұрғын үй салынбаса, халықтың сұранысын өтеу мүмкін емес. Есептеп көріңіз: әр азаматқа кем дегенде 20 шаршы метр жайлы кеңістік қажет. Осыны негізге алсақ, алдағы жиырма жылда қазіргі бос жатқан аумақтар түгел игеріліп, жаңа қалалық келбет қалыптасуы тиіс. Жұмыс ауқымды. Оған тек құрылыс емес, халықпен үздіксіз байланыс, түсіндіру, сендіру, ортақ көзқарас қалыптастыру жұмыстары да кіреді. Біз бұл үдеріске тек жоспар құрушы ретінде емес, қаланың болашағына жанашыр азамат ретінде қарап отырмыз.

– Құрылыс нарығында салықтық ауыртпалық пен әлеуметтік жауапкершілік арасындағы тепе-теңдікті қалай сақтау керек деп ойлайсыз? Мемлекет, инвестор және халық арасындағы өзара тиімді тетік қалай



қалыптасуы қажет?

– Кеңшілікті айттық, енді кемшілікті де ашық айтуымыз керек. Бұрындары салынып жатқан тұрғын үйлерге қатысты салық кодексі қосымша құн салығын (КҚС) есептемейтін. Қазір ол да қосылатын болды. Бұл дегеніңіз – сатылатын пәтер бағасының бір сәтте 16%-ға дейін шарықтауы. Мұндай өзгерістің түпкі салдарында қарапайым халықтың баспана алу мүмкіндігі күрт төмендеп, қолжетімділік қиындайды. Үйдің бағасы өскен сайын халықтың сатып алу қабілеті төмендейді. Ал, сұраныс азайса, құрылыс қарқыны бәсеңдейді. Мұны ашық айтуымыз керек. Өйткені, тұрғын үй салу жай ғана бизнес емес, әлеуметтік жауапкершілігі зор сала. Сондықтан, салықтық өзгерістер заңды қатайту ғана емес, инвестор үшін де тартымды әрі қолайлы болуға тиіс. Тенгерімді сақтау – басты міндет. Осы тұста тағы бір өзекті жайт, кейбір тұрғындардың жекелеген арыз-шағымдары. Өкінішке қарай, мұндай шағымдар жиі жағдайда құрылыстың ілгерілеуіне кедергі келтіріп, ортақ іске бөгет болып жатады. Тіпті, басталып қойған жобалар тоқтап қалатын мысалдар бар. Анығында, қай мәселеге болсын, парасат биігінен қарауымыз қажет. Қала өссін десек, ел өркендесін десек, әр тарап ортақ жауапкершілікті сезіне білуі шарт. Жүйелі көзқарас пен теңгерімді шешім ғана нәтижеге жеткізеді.

– Құрылысшылар қауымына айтар тілегіңіз бар болар...

– Кәсіби мерекеміз – құрылысшылар күні таяп қалды. Осы орайда сала ардагерлері мен барша әріптестерімді шын жүректен құттықтаймын! Еңбектеріңіз жана берсін, жаңалықтарыңыз мол болсын, әрбір кірпіштен – береке, әр нысаннан – нұр жаусын! Бұрындары өзбек, тәжік ағайындардың там салу өнеріне тандай қағатын едік. Ал, бүгінде сол деңгейге біздің қарақөз қазақ жастары да нық қадам басып келеді. Құрылыс алаңдарында кәсіби бетоншылар, шебер тас қалаушылар көбейіп, отандық мамандардың жаңа буыны қалыптасып жатқаны көңіл қуантады. Түрлі бригадалар, кәсіби командалар құрылып, сапа мен жауапкершілікті ту етіп келеді. Мемлекет басшысы Қасым-Жомарт Тоқаев билығы жылы «Жұмысшы мамандықтарының жылы» деп жариялағаны дәл осы еңбек адамдарына, соның ішінде, құрылысшыларға көрсетілген үлкен құрмет деп білемін. Еңбек десе, мандай тер, табандылық, төзім мен тиянақтылық ойға оралады. Ал, құрылысшы – соның нағыз символы. Барша әріптестерге мереке құтты болсын дей отырып, жаңа биіктерге бірге жетейік деп тілеймін! Қарағандының қарышты қадамы – құрылысшының қолында!

– Тұшымды әңгімеңізге рақмет!

Әңгімелескен
Ерқанат КЕҢЕСБЕКҰЛЫ,
«Ortalyq Qazaqstan»

Ілгерілеу іргетастан басталады

(Соңы. Басы 1-бетте)

Республикалық бюджет есебінен бастапқы нарықтан 259 жалға берілетін пәтер сатып алуға 3,6 млрд теңге көлемінде қаражат бөлінді. Кешенді шаралар тұрғын үй кезегінде тұрған азаматтарға, әсіресе, әлеуметтік осал топтарға нақты көмек көрсетпек. Мәселен, Шахтинск қаласы мен Абай ауданында екі несиелік тұрғын үй құрылысы аяқталып, 140 пәтер пайдалануға беріледі деп күтілуде. Кредиттік тұрғын үйлер «Отбасы банкі» арқылы, салымшылар бастапқы жарнаның қажетті көлемін (бағдарлама шарттарына сай 10-20%) жинаған жағдайда, жеңілдетілген шарттармен беріледі.

Қазіргі уақытта өңірдің бірнеше аудандарында құрылыс жұмыстары қарқынды жүргізілуде. Қарағанды, Балқаш қалаларында және Абай, Ақтоғай, Бұқар жырау, Нұра, Осакаров, Шет аудандарында жеке құрылыс салушылар жергілікті атқарушы органдарға сату үшін тұрғын үйлер салып жатыр. Сонымен қатар, Теміртау, Саран және Приозерск қалаларында ескі тұрғын үйлерді қайта жаңарту жұмыстары жүргізілуде. Осы баянды бастамалар өңірде тұрғын үй саясатының жүйелі түрде жүзеге асып жатқанын және әртүрлі санаттағы азаматтардың тұрғын үйге қолжетімділігін арттыру бағытында нақты қадамдар жа-

салып жатқанын көрсетеді. Нысандардың дайын болуына байланысты жергілікті атқарушы органдар әлеуметтік тұрғын үй қорын толықтыру мақсатында белсенді түрде конкурстық рәсімдер өткізуде. Бүгінде аталған бағытта елеулі нәтижелерге қол жеткізілді: жергілікті атқарушы органдар кезекте тұрған азаматтар үшін барлығы 81 пәтер сатып алды. Атап айтқанда, Қарағанды қаласында – 15 пәтер, Абай ауданында – 40 пәтер, Бұқар жырау ауданында – 12 пәтер, ал, Шет ауданында – 14 пәтер иеленіп, тұрғындарға табысталуға дайын.

Оқушыға – орын, ұстазға – мүмкіндік

Білім беру инфрақұрылымын дамыту да назардан тыс қалмады. Биыл өңірде 12 жаңа мектептің құрылысы жүргізілуде, оның алтауы облыстық бюджет қаражаты есебінен, ал, қалған алтауы «Жайлы мектеп» ұлттық жобасы аясында салынуда. Облыстық білім басқармасы өкілдерінің мәліметінше, қазіргі таңда алты білім беру нысанының құрылысы жүргізіліп жатыр. Олардың қатарында Қарқаралы ауданы Талды ауылындағы мектеп бар. Нысан құрылысы қыркүйек айының соңына дейін аяқталды деп жоспарланған. Сонымен қатар, Қарағанды қаласындағы «Үлкен Михайлов» деп аталатын



Коллажы жасаған Абас Рахымжан

стансада 300 орындық мектептің құрылысы басталған. Жоба 2026 жылы аяқталмақ. Облыс орталығындағы №50 орта мектепке қосымша корпус салынуда. Ал, «Жайлы мектеп» ұлттық жобасы аясында облыста тағы алты мектептің құрылысы жүріп жатыр. Тапсырыс берушісі – «Samruk-Kazyna Construction» акционерлік қоғамы. Аталған мектептердің қатарында Шет ауданының Ақсу-Аюлы және Сәкен Сейфуллин кенттерінде салынып жатқан 300 орындық екі мектеп бар. Сонымен бірге, Бұқар жырау ауданының Үштөбе ауылында, Ғ.Мұстафин

кентінде және Доскей ауылында да әрқайсысы 300 орындық мектептердің құрылысы жүргізілуде. Бұған қоса, Қарағанды қаласының «Жаңа аудан» шағын ауданында 1200 оқушыға арналған заманауи мектеп салынууда. «Samruk-Kazyna Construction» АҚ қоғаммен байланыс қызметі өкілдерінің ұсынған ақпаратына сәйкес, осы алты мектептің барлығы 2025 жылы толықтай пайдалануға беріледі. Жалпы, мұндай жобалар облыстағы оқушы орындарының тапшылығын азайтуға, сапалы білім беру инфрақұрылымын қалыптастыруға және бала-

ларға қолайлы оқу жағдайларын жасауға сеп.

Ақордадан ауылға дейін

Ауыл тұрғындарының денсаулығын жақсарту бағытында жүйелі жұмыстар жүргізілуде. «Ауылдық денсаулық сақтауды жаңғырту» ұлттық жобасы аясында 2023 жылдан бастап, ауылдық жерлерде алғашқы медициналық-санитарлық көмекті дамыту бағдарламасы іске асырылып жатыр. Жоба шеңберінде өңірде барлығы 92 жаңа денсаулық сақтау нысанын салу жоспар-

ланған. Олардың қатарында 11 дәрігерлік амбулатория, 34 фельдшерлік-акушерлік пункт және 47 медициналық пункт бар. 2023 жылы 14 нысанда құрылыс-монтаж жұмыстары толық аяқталып, пайдалануға берілді. Ал, былтыр тағы 12 нысанның құрылысы сәтті аяқталды. Қалған медициналық мекемелерді қыркүйек айының соңына дейін аяқтап, іске қосу көзделіп отыр. Бұдан бөлек, өңірдегі ірі қалаларда да денсаулық сақтау инфрақұрылымы дамып келеді. Жыл соңына дейін Балқаш қаласындағы ангиографиялық операциялық орталықтың бас корпусына жапсаржайды, сондай-ақ, Қарағанды қаласындағы облыстық онкологиялық диспансердің операциялық-реанимациялық блогына жапсарлануда. Баянды бастамалар ауыл тұрғындарының медициналық көмекке қолжетімділігін арттырып, өңірдегі денсаулық сақтау сапасын жаңа деңгейге көтермек.

Міне, көріп отырғанымыздай, ел іргесін нығайтатын істер кезең-кезеңімен жүзеге асуда. Құрылыс саласындағы қарқын тұрғын үйден бастап, мектеп пен емханаға дейінгі өмірлік маңызды нысандар арқылы айқын көрініс табауда. Мемлекеттік қолдау мен жеке бастаманың ұштасуы, жүйелі жоспар мен нақты қадамдар – бүгінгі жетістік жұрнағы.

Суретті түсірген
Жангелді ӘБДІҒАЛЫМ

180 домбыра күмбірлеп...

1-10 тамыз аралығында облыста қазақтың бас ақыны Абай Құнанбайұлының 180 жылдық мерейтойымен сабақтастырып, мәдени онкүндік жоспарланған. Мерейтой қарсаңында Абай қаласының орталық алаңында 180 домбырашы бір мезетте күй орындады.



Сурет облыс әкімінің сайыны



ыстық ықыласпен қабылдаған.

— Абайдың мерейтойына орай 180 домбырашыны жинау оңайға түспеді. Әуелде күман болғанымен, нәтижесінде біз діндеген мұратымызға жеттік. Бұл — қажырлы еңбектің, ұйымшылдықтың арқасы, — дейді Динара Жұмағұлова.

Флешмобқа қатысушылардың бірі — Южный кентінен келген Әсел Қайырбекова. Домбыраны бала кезінен серік еткен бойжеткен өңірдегі барлық маңызды мәдени шараларға белсене қатысып келеді.

— Домбыра — бағзыдан келе жатқан кастерлі аспап. Бала күнімнен қолымнан түскен емес. Абай қаласындағы бұл шараға арнайы келдім. Бұған дейін де «Домбыра» күніне арналған бірнеше іс-шараларға қатыстым. Ұлттық өнерді ұлықтауды ұлағатты іс деп есептеймін, — деді ол.

Аймақта Абайдың 180 жылдық мерейтойына арнап, шығармашылық кештер, көрмелер, зияткерлік сайыс және өзге де іс-шаралар ұйымдастырылып жатыр. Онкүндік Абай ескерткішіне гүл шоғын қою және мерейтойға арналған байқаулардың жеңімпаздарын марапаттау рәсімімен қорытындыланады.

ауылдық елдімекендерден де өнерпаздар келіп қатысты. Домбырашылардың арасында кәсіби күйшілермен қатар, түрлі сала мамандары, мектеп оқушылары мен жоғары оқу орындарының студенттері де бар.

Мәдени іс-шараны ұйымдастырушылардың бірі, жергілікті халық театрының жетекшісі Динара Жұмағұлованың айтуынша, бастаманы аймақ жұртшылығы

Мағжан ҚҰДАЙБЕРГЕН,
«Ortalyq Qazaqstan»

Абай қаласының орталығында «Ұлы даланың ұрпақтары» атты ауқымды флешмоб өтті. Музыкалық көріністің мерейін арттырған домбырашылар ақын рухына осылайша тағым етті.

Мерекелік шараға тек қала тұрғындары ғана емес, Абай ауданына қарасты

• ЖЕҢІЛ АТЛЕТИКА

Тұғыр — төзімдінікі

Алматы облысындағы Олимпиадалық даярлау орталығында жеңіл атлетикадан Орталық Азиядағы ең ірі жарыстардың бірі — Ғұсман Қосановты еске алуға арналған XXXIV халықаралық турнир өтті. Биылғы жарысқа 17 елден 214 спортшы қатысып, өзара кіл мықтыны анықтады.



Сурет облыс әкімінің сайыны

Мағжан ҚҰДАЙБЕРГЕН,
«Ortalyq Qazaqstan»

Облысымыздың намысын 11 спортшы қорғады. Олардың оны Жоғары спорт шеберлігі мектебінің тәрбиеленушілері, ал, біреуі Әлия Молдағұлова атындағы мектеп-интернатының оқушысы. Облыс құрамасы жарысты жоғары нәтижемен аяқтап, 1 алтын, 7 күміс және 5 қола медаль жеңіп алды.

Бұл турнир — күзде Жапонияда өтетін әлем чемпионаты алдындағы маңызды рейтингтік жарыстардың бірі. Мұнда жиналған ұпай саны жерлестеріміздің әлем біріншілігіне қатысу мүмкіндігін арттырады.

— Қарағандылық спортшылар өте жақсы нәтиже көрсетті. Облыста жеңіл атлетика тұрақты түрде жанданып келеді. Биыл біз Қазақстанның Жастар ойындарында қатарынан төртінші рет чемпион атандық, — деді Қарағанды облысының аға жаттықтырушысы Андрей Агеев.

Банкердің айтуынша, мемориалда Аделина Земс ерекше көзге түсті. Ол сайыстың екі түрінен бірінші және екінші орындарды жеңіп алды, сондай-ақ, 400 метрге кедергілер арқылы жүгіруде күміс медаль иеленді. Осылайша, әлем чемпионатына жетпей тұрған рейтингтік ұпайларын толықтырды. Алда жерлесімізді

Ташкент пен Словакиядағы жарыстар күтіп тұр. Осы бәсекелерден кейін оның әлем біріншілігіне жолдама алатыны анықталмақ.

Әлемдік додаға қатысу мүмкіндігін Мария Ефремова да иеленді. Ол үш рет секіру және эстафетадан екі күміс медальға қол жеткізді.

Жарыстың ең жас қатысушысы — 18 жастағы Милана Зубарева. Ол 400 метр қашықтықта күміс жүлдегер атанып, жеке рекордын жаңартты. Бұған дейін Милана Азия чемпионатында екі мәрте жүлдегер атанды.

Сондай-ақ, жүлдегерлер қатарында Виталий Земс, Алина Чистякова, Евгений Прокудин және Валерия Сафонова бар.

Ғұсман Қосанов атындағы сайыс — World Athletics Continental Tour Bronze деңгейіндегі халықаралық турнир. Ол осы жеңіл атлетика сайысынан осы маусымдағы маңызды кезеңдердің бірі.

Әйгілі Ғұсман Қосанов — КСРО-ның бірнеше дүркін чемпионы, 1960 жылы Римде өткен Олимпиада ойындарының күміс жүлдегері. Оның есімі Олимпиадада жүлде жеңіп алған алғашқы қазақстандық атлет ретінде ел тарихында таңбаланды. Алматыда оның құрметіне арналған халықаралық жарыс жыл сайын тұрақты түрде ұйымдастырылады.

• БӘРЕКЕЛДІ!

Евгения ерледі

Оңтүстік Кореяда өткен Азия кубогының сайысында қарағандылық спортшы Евгения Вадутова жүлделі екінші орынды еншіледі. Шаңғыроллер жарысы 4-8 тамыз аралығында Пхёнчхан қаласында өтті.

Мағжан ҚҰДАЙБЕРГЕН,
«Ortalyq Qazaqstan»

Бұл додада Корея, Филиппин, Тайпей, Моңғолия, Қытай және Қазақстаннан 74 спортшы бәсекеlestі. Қазақстан құрамасының сапында Қарағанды облысынан жеті спортшы бақ сынап, оның екеуі үздік нәтиже көрсетті.

Евгения Вадутова классикалық әдіспен өткен 1 шақырымдық спринтте күміс медаль жеңіп алды. Оған Азия кубогының спринтерлік есептегі лидерлік жейдесі табысталды.

— Бұл жейде — ерекше мәртебені білдіретін спорттық жейде. Жарыс кезінде барлық спортшы өз нөмірлері жазылған киіммен шыкса, ал, топ көшбасшыларына арнайы

«Лидер» деген жазуы бар жейде беріледі. Онда нөмір болмайды, — деп түсіндірді Қысқы спорт түрлері бойынша Олимпиадалық даярлау орталығының аға жаттықтырушысы Максим Щербаков.

Жарыста тағы бір қарағандылық спортшы Дилара Байсекеева да жоғары нәтиже көрсетті. Ол спринтерлік қашықтықта мәре сызығын алтыншы болып кесті.

— Әр кезең сайын жарыстың әлеуеті де артып келеді. Қатысушы елдер жарысқа толық құрамда келуге тырысып жатыр. Бұл жолы көптеген елдердің негізгі құрамы қатысты. Ал, біздің жасақ — толық құрамда болған жоқ. Негізгі құрам



Сурет облыс әкімінің сайыны

алдағы Олимпиадаға дайындалып жатыр, — деді Максим Щербаков. Азия кубогының келесі, үшін-

ші кезеңі 4-7 қыркүйек аралығында Қазақстанның Щучинск қаласында өтеді.

• ТУРНИР

«Барыс» командасы басым түсті

Шет ауданына қарасты Өспен ауылының Мәдениет үйінде жасөспірімдер арасындағы «Kairat Cup League» футбол лигасы 2025 жылғы маусымының жеңімпаздарын марапаттау рәсімі өтті. Биылғы турнирде жүлде 5 команда арасында сарапқа салынып, 15 ойын өткізілді. Нәтижесінде «Барыс» командасы басым түсті.

Гүлнұр СЕРІКЖАНҚЫЗЫ,
«Ortalyq Qazaqstan»

Турнирдің «Kairat Cup League» аталып, оның өткізілуіне ауылдың атқамінер азаматы, жанашыр Қайрат Рашидұлы Көпбаев себеп болған. Ол ауыл жастарына бұған дейін шағын футбол алаңын және «Жастар» саябағын салып берген көрінеді. Екі жыл бойы аталған жарыстың өткізілуіне демеуші болып, жастардың



кез келген бастамасына қолдау білдіретін де осы азамат екен. Осындай жанашыр жанның құрметіне ұйымдастыру алқасы турнирді «Kairat Cup League» деп атауды жөн көрген.

Шілде-тамыз аралығында бол-

ған биылғы турнирде кубокты 5 команда сарапқа салып, нәтижесінде «Барыс» командасы жеңіске жетті.

Тағы бір айта кетерлігі, ауыл азаматтары биылғы турнирдің өтуіне өз үлесін қосқан «Аюлы отпау»

ЖШС басшысы Батырлан Сәкенұлының есімін де атауды жөн санайды.

Жабылу салтанатына Қарағанды облысының дене шынықтыру және спорт басқармасы басшысының орынбасары міндетін атқарушы Дәурен Есімханов қатысып, жас спортшыларға жылы лебізін білдірді.

Сондай-ақ, турнирде мына номинациялар бойынша жеңімпаздар анықталды. «Үздік шабуылшы» номинациясы Алижан Дүйсенбіге, «Үздік қақпашы» Ислам Сағынышқа берілді. Алижан Дүйсенбі «Үздік ойыншы» атанды. Ал, «Үздік қорғаушы» номинациясы Заңғар Мұратқа бұйырса, «Үздік жаттықтырушы» Тайыр Мейрамулына берілді. Бауыржан Қайрат болса, «Жаңа есім» номинациясымен марапатталды.

Дәстүрге айналып келе жатқан жарыс ауыл балаларының жазғы демалысын тиімді өткізуге зор септігін тигізуде.

**ORTALYQ
QAZAQSTAN**

Қарағанды облыстық қоғамдық-саяси газет

Құрылтайшысы: облыс әкімдігі
МЕНШІК ИЕСІ: «Saryarqa Aqparat» ЖШС

Директор
Қайрат Жүнісұлы ӘБІЛДА
Директордың орынбасары
Оксана Вячеславовна МЯГКИХ
Директордың орынбасары
Ғалия Боранқұлқызы БАСТЕНОВА

Бас редактордың м.а.
Қ.А. АЙТЖАН
Бас редактор
Е.К. МҰСАБЕК
Сайт редакторы
А.Ә. СОВЕТ
Жауапты хатшы
С.Б. ПИЯШ

Телефондар:
Бас редактор: 43-38-53
Бас редактордың орынбасары: 43-58-08
Интернет-редакция редакторы: 43-38-33
Жауапты хатшы: 43-49-72
Жарнама, факс: 43-57-82, 43-21-55;

Меншікті тілшілер:
Ақтоғай, Шет, Балқаш,
Приозерск: 8-702-293-13-70
Қарқаралы, Нұра,
Осакаров: 8-702-216-73-50
Теміртау, Саран, Шахтинск, Абай,
Бұқар жырау: 8-775-189-33-19

• Жарияланған мақала авторларының пікірлері редакция көзқарасын білдірмейді.
• Жарнамалар мен хабарландырулардың мазмұнына жарнама беруші жауап береді.
• Газетте жарияланған материалдарды сілтемесіз көшіріп басуға болмайды.
• Материалдың жариялану ақысы төленген

Газет Қазақстан Республикасы Ақпарат және Қоғамдық даму министрлігінің Ақпарат комитетінде қайта тіркеуден өтіп, 2020 жылғы 15 желтоқсанда № KZ18VPY00030163 күнәлігі берілді.

Газет сейсенбі, бейсенбі, сенбі күндері шығады.

Мекенжайымыз: 100009, Қарағанды қ., Әлімхан Ермеков көшесі, №33 үй.

Электрондық пошта: ortalqy.kz@gmail.com; ortalqy.kaz@mail.ru
Жарнама бөлімі: ortalqy.reklama@mail.ru



Газет жеткізілмесе
41-26-82, 43-57-88
телефонына хабарласыңыздар.

«БанкЦентрКредит» АҚ ҚФ
Есеп-шот: kz50826MOKZTD2003131,
БИК KСJBKZKX БИН 000840001412

Тарапымы 3 478
№85 тапсырыс. Индекс 65484
Офсеттік басылым. Көлемі 4 баспа табақ.

Бағасы келісім бойынша
«Типография Арко» ЖШС баспаханасында басылды.
Қарағанды қ., Сәтбаев к., 15.
Газеттің компьютерлік орталығында теріліп, беттелген.
Кезекші редактор **Ерханат КЕҢЕСБЕКҰЛЫ**